

天師內傳張仲常字德閏天師玄孫常應聘至闕潛歸嘆曰  
吾幾落世網室中常埋一甕每對妻子茹葷飲酒夜皆在甕  
中經日不出

### 赤松雨師元芝水母

列仙傳云赤松子者神農時雨師也服水玉以教神農能入  
火不燒往崑崙山西王母石室中隨風雨而上下炎帝少女  
追之亦得仙俱去高辛時復爲雨師焉

晉逸史趙元芝一日出行遇一道士相揖遂引入水去深夜  
月中行泥濘不污傍見一物如蛇形有五色之光元芝驚異  
問此何物耶道士曰此謂之水母見者神仙

### 道藏輯要

三洞羣仙錄

卷

翼集四  
XOII

### 洞源鳴鐘薦明聞鼓

本傳瞿柏庭師事桃源黃洞源法師一日拜辭洞源問汝辭  
吾將安往答曰歸洞府欲留之不克見柏庭顏色光彩異常  
服短布衣烏繒巾逡巡却行三移足忽然不見洞源與道徒  
皆愕眙求之無蹤跡鳴鐘集觀戶將大索林莽觀戶至東北  
林際遇一大蛇當路而止

高道傳道士張薦明通老莊高祖召見問道家可以治國乎  
對曰道者妙萬物而爲言得其極者尸居衽席之間可以治  
天下高祖大其言延入內殿講道德經拜以爲師忽一日聞  
禁中奏時鼓曰陛下聞鼓乎其聲一而已五聲十二律鼓無